

臺灣文獻史料叢刊

第七輯

劉銘傳撫臺前後檔案
(全)

臺灣大通書局印行

臺灣文獻叢刊第二七六種

劉銘傳撫臺前後檔案

借本銀一百萬兩，即於鐵路取價於公款無關出入外，其餘地價、薪水等項動支官款若干？所動係屬何項？應令該撫專案咨報，以憑核定。其所借商人工本既能於鐵路取價，其地價、薪水等項動支官款，亦可於鐵路歸還取價，更爲節省。應由該撫詳細妥議，一併咨報；並令嗣後該處辦理鐵路情形除咨報海軍衙門外，一併咨報本部備查，毋稍遺漏可也。一等因到本府部院。准此，合就飭行。爲此，仰該道即便移行查照毋違。須臾」等因。奉此，除分行外，合行札飭。札到該府，立即轉飭知照。此札」等因。蒙此，除移行外，合就行知。

爲此，札仰該縣官吏即便一體遵照。此札。

光緒十三年十月十三日札（恒春縣）。

臺灣府轉行巡撫劉銘傳會同閩浙總督楊昌濬具奏「籌議臺灣郡縣分別添改裁撤大略情形」摺稿

特授臺灣府正堂加六級紀錄九次程，爲行知事。

本年八月二十八日，蒙臺藩憲邵札開：『本年八月二十日，奉爵撫憲札開：「照得本爵部院於光緒十三年八月十七日會同閩浙督部堂楊恭摺具奏「臺灣郡縣分別添改裁撤大略情形」一摺，除俟奉到硃批另行恭錄行知外，合先抄摺行司，即便移行查照」等因；

計黏抄摺稿一件。奉此，除移行查照外，合就行知。爲此，札仰該府即便移行查照。此札；計黏單一紙。又蒙本道憲唐札同前因各到府。蒙此，除移行外，合就行知。

爲此，札仰該縣官吏立即遵照。毋違。此札。

計黏抄一紙。

光緒十三年十月十五日札（恒春縣）。

奏爲籌議臺灣郡縣分別添改、裁撤，以資治理而固地方；恭摺仰祈聖鑒事。

竊臣等於光緒十二年六月十三日會奏「臺灣改設事宜」摺內，聲明彰化等縣地與太廣，亟須添官分治；奉旨：「該部議奏。欽此」。旋准部咨：議令酌度情形，奏明辦理等因。

伏查臺灣疆域，南北相距七百餘里，東西近者二百餘里、遠或三四百里；崇山大溪，鈎聯高下。從前所治，不過山前迤南一線，故僅設三縣而有餘；自後榛莽日開，故屢增廳治而猶不足。光緒元年，沈葆楨請設臺北府、縣以固北路，又將同知移治埤南以顧後山；全臺官制，粗有規模。然彼時局勢未開，擇要修舉，非一勞永逸之計也。臣等公同商酌：竊謂建治之法，恃險與勢；分治之道，貴均而平。臺省治理，視內地爲難；而各縣幅員，反較多於內地。如彰化、嘉義、鳳山、新竹、淡水等縣，縱橫兩百餘里、三百餘里不等；倉卒有事，鞭長莫及。且防務爲治臺要領，轄境太廣，則耳目難周；控制太寬，則聲氣多阻。至山後中、北兩路延袤三、四百里，僅區段分設礮堡，並無專駐治理之員；前實後虛，亦難遙制。現當改設伊始，百廢俱興；若非量予變通，何以定責成而垂久遠！臣銘傳於上年九月親赴中路督剿叛番，沿途察勘地勢，並據各地方官將

境內阨塞、道里、田園、山溪繪貼圖說呈送前來，又據撫番、清賦各員弁將撫墾地段陸續稟報。謹就山前、後通局籌畫，有應添設者、應改設者、應裁撤者。查彰化橋孜圖地方，山環水複，中開平原；氣象宏敞，又當全臺適中之地。擬照前撫臣岑毓英議，就該處建立省城；分彰化東北之境，設首府曰「臺灣府」、附郭首縣曰「臺灣縣」，將原有之臺灣府縣改爲「臺灣府」、「安平縣」。嘉義縣之東、彰化縣之南，自濁水溪始、石圭溪止，截長補短，方長約百餘里，擬添設一縣曰「雲林縣」。新竹苗栗一帶扼內山之衝，東達大湖，沿山新墾荒地甚多，擬分新竹西南各境添設一縣爲「苗栗縣」：合原有之彰化縣及埔里社通判一廳四縣，均隸臺灣府屬。其鹿港同知一缺，應即裁撤。淡水之北，東抵三貂嶺，番社歧出，距縣太遠。基隆爲臺北第一門戶，通商建埠，交涉紛繁；現值開採煤礦、修造鐵路，商民麇集，尤賴撫綏。擬分淡水東北四保之地，撥歸基隆廳管轄；將原設通判，改爲撫民理番同知，以重事權：此前路添設之大略也。後山形勢，北以蘇澳爲總隘，南以埤南爲要區；控扼中權，厥惟水尾。其地與擬設之雲林縣東西相直，現開山路一百八十餘里，由丹社嶺、集集街逕達彰化。將來省城建立，中路前後脈絡呼吸相通，實爲臺東鎖鑰。擬設直隸知州一員，曰「臺東直隸州」；左界宜蘭、右界恒春，計長五百餘里，寬三四十里、十餘里不等，統歸該州管轄，仍隸於臺灣兵備道。其埤南廳舊治，擬改直隸州州同知一員。水尾迤北爲花蓮港，所墾熟田約數千畝，其外海水深數丈。稽查商船、彈壓民番，擬請添設直隸州判一員，常川駐紮；均隸臺東直隸州屬。此後路添改之大略也。

謹案臺灣疆土賦役日增月廣，與舊時羈縻備置情形迥然不同；因地制宜，似難再緩。況年來生番歸化，犴獠之性初就範圍，尤須分道拊循，藉收實效；輯遐隔邇，在在需員。臣等身在局中

，既不敢遇事紛更，以紊典章之舊；亦不敢因陋就簡，以失富庶之基。損益酌中，期歸妥協。如蒙俞允，臣等擬先委員前往作爲署任，主辦疆界分治事務；並請飭部分別換鑄關防，儘先頒發，俾昭信守。俟全局勘定，再將四至圖冊及作爲何項缺分，詳細奏咨，請旨定奪。至教職暨沿山隘佐雜、武弁並屯地等官應添應改，亦擬於郡縣設定後，分飭各員就近體察詳請奏咨。其餘未盡事宜，統俟陸續會商，隨時具奏辦理。

所有籌議添改臺灣郡縣大略情形，謹會同恭摺具陳，伏乞皇太后、皇上聖鑒，訓示施行。再者，此摺係臣銘傳主稿；合併聲明。謹奏。

臺灣府轉行巡撫劉銘傳等會同具奏「萬年青」船案續行調查請旨照會轉飭英
「公司」並斷賠償」摺稿

特授臺灣府正堂加六級紀錄九次程，爲轉飭事。

本年八月初九日，蒙皇遣東唐札開：「光緒十三年七月二十七日，奉府憲劉札開：「爲照本府部院於光緒十三年七月十三日會列國新督部堂楊、署福州將軍古、署船政大臣張後街恭摺由譯具奏「萬年青」船案已經英刑司斷賠償復行翻控，請旨飭下總理各國事務衙門照會駐京英使速飭英公司連斷賠償以免延累」一摺，除俟奉到諭旨另恭錄行知外，合先抄摺行知。爲此，仰該道即便移行查照。毋違。此札」；計點抄摺稿一紙。同日，又准行營營務處暨總糧臺轉同前由各到道。奉此，查此案前奉札知，當經分別飭